



孟子外書四篇

熙時子注

熙時子，姓劉，名攸，字貢父，臨江新喻人。慶歷中，與兄敞同第進士。歷秘書少監，出知蔡州，召拜中書舍人，以疾不起卒。私諡公非先生，有集六十卷。



序

坊間有四家孟子注，曰揚子雲也，韓文公也，李習之也，熙時子也。中興史志以為依託信也。然三家者依託，而熙時子非依託也。乃熙時子依託三家也。熙時子者，誰相傳，即公非先生劉貢父也。貢父因李泰伯不喜孟子，為此以示之也。注中往，用泰伯語也。熙時者，曉然也，讒也。越絕參同契之流也。孟子外書四

篇趙臺卿不取也故不顯於世賴四家注附刊於後而熙時子且注之也是以傳也則熙時之功不淺也四家注依託不足傳而孟子外書四篇不可不傳也遂序而存之也碧梧老人馬廷鸞書

孟子外書四篇卷一

性善辨第一

孫卿子自楚至齊見孟子而論性荀卿名況楚人避漢諱易荀為孫

見美孟子曰有善無惡天也有善有惡人也言天賦

性但有善而無惡其有善惡乃人後起之私孫卿子曰有善有惡天也

有善無惡人也言性本有善惡聖人以學勝之方能有善無惡孟子曰率

天下之人而迷性本者必自子始矣

孟子曰虎狼知父子螽蟻知君臣而況於人乎故人

之性善今人之性不善皆失喪其性故也喪息

孟子曰性善也堯舜不勝其美習不善也桀紂不勝

其惡勝平聲性無不善而欲害之水無不清而物污之是豈水性也哉

曼邛不擇問於孟子曰夫子為學曼邛姓不擇音萬

子曰魯有聖人曰孔子曾子學於孔子子思學於

曾子子思孫子之孫伯魚之子也子思之子曰子

上軻嘗焉是以得聖人之傳也子思名

孟子曰舜生於姚墟禹生於石紐湯生於蒲南文王

生台疆千年一聖猶旦暮也姚墟石紐蒲南台疆並地名

孟子曰太山之高參天入雲而瞽者莫之見也黃河

之濤衝擊如雷而聾者莫之聞也甚矣人不可不

河圖著命苞云女登見大虹意感生舜於姚墟留三月集地墟要成都所云村則石紐石屏

學也此章戒人不學面

孟子三歲而孤孟母賢攜孟子以居始舍近墓孟子

幼嬉戲為墓間事踴躍築埋孟母曰此非所以居

我子也乃去舍市又嬉戲為賈街事孟母曰此亦

非所以居我子也徙學旁乃設俎豆揖讓進退孟

母曰此真可以居我子矣此即世俗所傳

孟子幼誦其母方織孟子輟乃復誦母知其誼也呼

而問之曰何為輟對曰如有失復得母乃引刀斷

其織以此戒之自後孟子不誼矣輟中止也

孟子妻獨居踞孟子入戶視之白其母曰婦無禮請

去之。母曰：何也？曰：踞。母曰：何以知之？曰：我親見之。母曰：乃汝無禮也。禮不云乎？將入門，言必聞，將上堂，聲必揚，將入戶，視必下，不掩人，不備，今汝往燕，私之室，入戶不有聲，令人踞而視之，是汝之無禮也。非婦無禮也。孟子自責，不敢去婦。踞，列女傳作袒。孟子處齊為客卿，居常有憂色，擁楹而歎。孟母見曰：子擁楹而歎，若有憂色，何也？對曰：軻聞之，君子稱身而正位，不為苟得，而受賞，不貪榮祿，今道不用於齊，願行而母老，是以憂也。孟母曰：婦人之禮，精五飯，罍酒漿，縫衣裳而已，故有閭內之修，而無境

外之志。易曰：无攸遂，在中饋。詩曰：無非無儀，惟酒食是議，以言婦人無擅制之義。而有三從之道也。故幼則從乎父母，嫁則從乎夫，夫死則從乎子。禮也。今子成人也，而我老矣，子行乎？子義，吾行乎？吾禮，子何憂也？五飯，稻黍稷麥菽五種之飯，罍，彌筆反。孟子遊於莒，有曾子講堂焉。孟子登堂，彈琴而歌。二三子和之。莒父老曰：久矣夫不聞此音也。聖人之徒也。和，去聲。夫，音扶。孟子曰：人皆知以食愈飢，莫知以學愈愚。人皆知其田莫知糞其心，糞田莫過利苗得粟，糞心易行。

至此六字，說苑三引之，又曰：孟子曰：人皆知其田莫知糞其心，糞田莫過利苗得粟，糞心易行。

而得所欲何謂糞心博學多聞何謂易行一性止
淫也專一其性禁止

孟子謂子石曰卯有毛信乎公孫龍字子石趙人子

石曰信孟子曰何為其然也子石曰卯無毛雞無

翼孟子曰雞而烹人可食然則子腹亦有雞與此

孟子之闢邪說與音余

孟子曰筦敬仲仁故齊威公亦仁筦敬仲義故齊威

公亦義吾於河廣知德之至也河廣宋威夫人公所

存衛亡國之德

徐辟將之秦孟子曰秦虎狼之國也子何遊焉辟音

徐辟對曰山東之國無可與者蘇子來招故將必

往蘇子蘇秦也孟子曰夫蘇子天下之至無信人也天

下之大不義人也子何交焉扶音徐辟對曰辟之

祖自南州遷於郊廓今五世矣於蘇為睦且辟蘇

之自出也南州徐國也郊廓洛陽孟子曰然則姑

贈子以言不約縱不連橫不為威屈不為利疚以

守子義以全子生斯可矣縱音

凡十五章

孟子外書四篇卷二
文說第二
孟子曰夫為天不亡至無計人必天
斜羅世曰山東之國無百與香蘇子來時蘇世

孟子外書四篇卷二

文說第二

孟子曰文其說不若文其心文勝者不陋質勝者可

久言人徒騁才辨而文其說不若篤實好學而

孟子曰士貴立志志不立則無成

孟子曰君子為己小人為人為己者逸而泰為人者

勞而危元作平

孟子曰人不可以不知天凡事可以對天則知天矣

孟子問於子上曰敢問聖人之教聖人謂子也子曰言言

仁不言暴言義不言利言禮不言邪言性不言詐

此聖人之教也

子上謂孟子曰舜之誥禹曰人心惟危道心惟微惟

精惟一危執厥中子其識之此心傳也

公明高問於孟子曰詩云不敢暴虎不敢馮河又云

如臨深淵如履薄冰何謂也公明高孟子門子孟子

曰君子之學敬而已矣

孟子曰言不可不慎也言巧則天刑之言肆則人害

之大雅云無言不讐無德不報此章補金人銘所未及

梁襄王問戰於孟子孟子曰戰危事也臣未之聞也

孟子去梁梁襄王追之及諸東桑孟子曰為吾謝梁

王勿忘先王之禮遇也再拜登車而去東桑地名未詳所在

為去聲

萬章從遊於牛山之上孟子喟然嘆曰此齊景公流

涕之所也而其骨已朽矣萬章曰古之人何以不

朽孟子曰太上有立德其次有立功其次有立言

此之謂三不朽古之人皆有死君子雖死而求其

不死者若小人則未死而已死矣

陳仲子卒孟子誄之曰吁嗟仲子廉潔以保貞兮求

名而得名兮數齊國之高士舍仲子其誰稱兮惟

山高而水流千古一於陵兮吁嗟仲子名長存兮

可憊於九泉兮

數舍於音上

靈龜隱於萊

丁氏公著云靈古蜆字萊國名後屬齊今萊州也隱居當在致為臣而去之後

孟子使人問之以書且遺之粟曰介士也去聲

萬章問曰子庚何人也柳字庚孟子曰古之高人也

上不臣天子不事諸侯易曰不事王侯高尚其

志

子叔問曰文王囚於羑里孔子厄於陳蔡何以繫易

也子叔孟孟子曰夫易憂患之書也安樂而不知

易君子吉小人凶憂患而不知易小人吉君子凶

是以君子不可以不知易也夫音抹樂音洛

孟子去齊宿於晝王蠋請見孟子見之蠋晝邑人請見奚遍反

王蠋曰夫子何以久於齊也孟子曰久於齊非我

志也蠋曰我固知非夫子之志也齊王外好善而

心不好夫子去國亂將至矣蠋是以憂也孟子去

數年而齊國果亂好去聲

滕文公卒葬有日矣天大雨雪及牛目羣臣請弛期

太子不許惠子諫曰昔者王季葬渦山之尾樂水

齧其墓見棺之前和文王曰先君欲見羣臣百姓

矣乃出為帳三日後葬今先公欲小留而撫社稷

故使雪甚弛期而更為日此文王之志也孟子曰

禮也

弛緩也。惠子名施。過山。樂水。未詳所在。修言亦有此文。大同小異。雨去聲。更平聲。

凡十七章

[Faint bleed-through text from the reverse side of the page]

孟子外書四篇卷三

孝經第三

孟子曰孝經者曾子傳於孔子諸弟子不得而聞也

孟子曰曾子之孝士之孝也故孔子先以事親事君

立身告之

孟子曰天子之孝文王也諸侯之孝魯釐公也卿大

夫之孝孟莊子也士之孝曾子輿也庶人之孝大

連少連也魯釐公之孝無考豈以詩有壽母之文而稱之歟釐倍同少去聲

孟子曰舜生五十而不失孺子之心基母氏禮記注

之引

孟子曰孝者順德也父子親兄弟睦夫婦和人人齊其家而天下平矣

孟子曰樂正子春生孝也茅宣死孝也劉氏熙曰茅宣騶大夫喪

母哀毀而死

樂正子春年九十矣使其孫克學於孟子告之曰昔者聖人之門顏子以仁曾子以孝季路以勇伯顛以智各以所得聞於天下傳於後世汝往矣庶幾

其有一得乎蔡母氏遷曰伯顛端木賜也

孟母之喪門弟子各治其事陳臻治貨季孫郊治車咸邱蒙治器萬章治纒充虞治櫬公都或治饌陳

代治牲樂正克治儀公孫丑治賓客治平孟子三

日不食哭不止門弟子請曰古者五十不毀子孟子

曰五十也乎哉吾母死吾猶孺子也記孟子居母

盡齋子弔見之流涕自責曰今而知聖人之道遂

棄墨而歸儒齋子為墨子之學

孟子曰傳言失指圖景失形言治者尚覈實此乃循名責實

之義景影同

梁惠王曰先王用李悝盡地利至於今賴之先王謂文侯

孟子曰非古也古莫善於蒞蒞者殷法雖周亦蒞也地有餘利則民有餘地無餘利則君有餘損下

以盜上非古也。纂五陸氏德明曰與助同

孟子三見齊宣王而不言事。丑子曰夫子何以三見

齊王而不言。高氏詩曰丑子即公孫丑世本云齊

氏亦曰孟子曰我先攻其邪心邪心去則無不正

矣。書曰格其非心。

孟子去齊子敖餞於犖門。子敖王驩字程氏曾曰犖

再舉觴孟子辭而去。子敖曰夫子盍賦詩。孟子曰

子大夫欲我賦詩乎。不曰堅乎磨而不磷不曰白

乎涅而不緇。磷讀如連與堅為韻白讀如裴緇讀

其類詩故以為詩而賦之此章見孟子之待小人。不惡而嚴。此章見孟

屋廬子曰無為而治何如。孟子曰有心於無為非無

為也。虞舜先勞而後逸者也。屋廬子初為黃老之

也舉虞舜以告之孟子曰矯枉不可過直。此章即不為

孟子曰天下有道諸侯有王。東遷以後天下無王。五

伯之罪也。纂母氏邃曰諸侯有王鄭

孟子曰有遠慮者無遺策。無深謀者有敗機。

孟子曰敬老愛幼推心於民。天下如運掌中也。

齊人伐趙。桃應將問於孟子。孟子曰毋嗜殺將心也。

勿爭功將才也。與士卒同甘苦將道也。將去聲

母音無

孟子說齊宣王而不說淳于髡侍。孟子曰：今日說公之君，公之君不說，意者未知善之為善乎？說齊說稅不說，淳于髡曰：夫子亦誠無善耳。昔者瓠巴鼓瑟而潛魚出聽，伯牙鼓琴而六馬仰秣，魚馬猶知善之為善，而況君人者也？孟子曰：夫電雷之起也，破竹折木，震驚天下，而不能使聾者卒有聞，日月之明，徧照天下，而不能使盲者卒有見，今公之君若此也。夫音扶，卒音粹。淳于髡曰：不然，昔者揖封生高商而齊人好歌，杞梁之妻悲哭而莒人稱詠，夫聲無細而不聞，行無隱而不形，夫子苟賢，居魯而魯國

之削何也？揖封生，齊善歌人，高商，商調之。孟子曰：不用賢，削何有也？吞舟之魚不居潛澤，度量之士不居汙世，夫藝冬至必彫，吾亦時矣。詩曰：不自我先，不自我後，非遭彫世者歟？藝音扶，度徒洛反。駟衍請受業於孟子，孟子曰：吾老矣，不能偕子遊於九州之外也。以衍好為大言，且多荒誕，不經之說，故孟子拒之如此。凡二十章。

[Faint bleed-through text from the reverse side of the page]

孟子外書四篇卷四之冠也非吳阻無所為冠也

為正第四 林孟子曰論如論矣孟子道由魯

孟子曰為正以心為邪以心心之所之邪正因之故

君子存心而不放 孟子曰君子存心而不放

孟子曰道不遠人人之為道而遠人不可以為道堯

舜之道非遠人也人不自思之爾

孟子曰人謂孟嘗君好士吾不信也 孟子言孟嘗君

好士也 好去聲

高子問於孟仲子曰詩曰維天之命於穆不已何謂

也孟仲子曰大哉天命之無極 周之禮也孟

韓詩外傳家下有要字

子曰否不然維天之命於穆不已蓋曰天之所以為天也於乎不顯文王之德之純蓋曰文王之所以為文也純亦不已於穆音鳴呼於

高子問於孟子曰夫嫁者非已所自親也衛女何以

得編於詩也扶夫音孟子曰有衛女之志則可無衛

女之志則舛夫道二常謂之經變謂之權有權字懷其常

道而挾其變乃得為賢夫衛女行中孝慮中聖權

如之何夫音扶行有詩曰既不能旋反視我不顧我是不遠

邾婁繆公問政於孟子曰為政之道奚先孟子曰省

刑罰薄稅斂愛民之政也非是則無所為政也君

糾作急下有若伊尹
在大甲有伊尹之志則可
無伊尹之志則篡二十
字謂之立作之謂

其勿信倖臣之言

孟子過郊見邾莊公邾國名高氏誘曰世本邾莊公名頹孟子道性善

言必稱文王道去聲莊公曰聞夫子之言昭然若發

矇矣

孟子老於騶燕昭王使樂間迎之孟子不往或問曰

夫子何以不往孟子曰以吾受齊王之知是以不

往也且燕王霸才也亦非王天下之主也使王並去聲

凡八以下

